



Bou ons kinders vir môre

Sondagskool 2

Lestitel: Die gelykenis van die pleitende weduwee

'n Ouerhandleiding

Sondagskooltuisonderrig



Liewe Ouer

Welkom by die les: “**Die gelykenis van die pleitende weduwee**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die gelykenis van die pleitende weduwee
Bybelwoord	Lukas 18: 1-8
Lesdoelwit	Die kinders leer dat ons ernstig en aanhoudend moet bid, veral vir die wederkoms van die Seun van God.

Lesopsomming:

- Die Here Jesus het verhaale gebruik om vir Sy dissipels geestelike lesse te leer. Ons noem hierdie verhaale “gelykenisse”.
- Op 'n dag wou Jesus sy dissipels leer dat hulle altyd moet bid en nooit moedeloos moet word nie, en daarom vertel Hy hulle die gelykenis van die biddende weduwee.
- Jesus het gesê: “In 'n stad het daar 'n regter gewoon wat baie onregverdig was. Hy het God nie gevrees nie en ook nie mense nie.”
- In dieselfde stad het daar 'n vrou gewoon wie se man gesterf het (sy word dus 'n weduwee genoem). Die arme weduwee het na die regter gegaan om haar te help. Daar was 'n bose persoon wat haar gedreig het, en sy wou geregtigheid hê.
- Die regter het geweier om die arm weduwee te help. Hy het haar aangesê om weg te gaan omdat hy nie tyd vir haar gehad het nie.
- Die weduwee was aanhoudend en het telkens na die regter om hulp teruggekeer. Sy het geweier om moed op te gee.
- Na 'n geruime tyd het die regter moeg geword vir die vrou en toe ingestem om haar te help.
- Die dissipels het aandagtig geluister. Toe staan die Here Jesus op, kyk na die dissipels en sê: “Sal God nie reg doen aan sy uitverkorenes wat dag en nag tot Hom roep nie? Ek sê vir julle dat Hy gou aan hulle reg sal doen...”

Wat beteken hierdie les vandag vir ons?

- God verhoor ons gebede. Elkeen van hulle.
 - Ons moet aanhoudend bid en nooit moed opgee nie.
 - Ons moet nooit moeg word om te bid vir die wederkoms van Jesus Christus nie.
 - God voorsien op die regte tyd wat nodig is.
 - Soms lyk dit of God nie luister nie, maar dit kan net wees dat God 'n plan vir ons het waarvan ons nie weet nie.
- As ons bid, moet ons altyd insluit: “Here, verkort die tyd, voltooi u werk en neem ons in genade huis toe.”**



Sommige vrae wat ons kan vra:

1. Wat wou Jesus vir die dissipels met hierdie gelykenis leer?

Antwoord: Dat hulle aanhoudend moet bid en nooit moet opgee nie

2. Wat moet ons nie vergeet om by ons gebede in te sluit nie?

Antwoord: Vra dat God die tyd sal verkort en sy Seun stuur om ons in genade huis toe te neem.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.